

Մ Ա Յ Ր Ա Թ Ո Ռ

Հունվարի 1-ին Ամանորի առթիվ Մայր Տաճարում Ս. Պատարագից հետո կատարվեց Հայրապետական հանդիսավոր մաղթանք վեհափառ Հայրապետի ներկայությամբ: Ս. Պատարագից հետո Մայր Աթոռի միաբանությունը ներկայացավ վեհափառ Հայրապետին իր շնորհավորանքը մատուցելու նշանակալի առթիվ:

Հունվարի 6-ին, Ս. Ծննդյան տոնի օրը, Մայր Տաճարում Ս. Պատարագ մատուցվեց և ժողովրդի հոծ բազմության ներկայությամբ կատարվեց ջրօրհնյաց հանդեսի արարողությունը: Տաճարում ներկա էր վեհափառ Հայրապետը:

Ամանորի և Ս. Ծննդյան տոնի առթիվ վեհափառ Հայրապետի անունով շնորհավորական հեռագրեր են ստացվել Տանն Կիլիկիո Շնորհազարդ Կաթողիկոսից, Նրուսահեմի Պատրիարքից, Պոլսի Պատրիարքի Տեղապահից, ՍՍՌ Միության և արտասահմանյան թեմերի Առաջնորդներից ու բազմաթիվ հավատացյալներից:

Ս. Վարդանանց գործավարաց և 1036 վկայից տոնի օրը Մայր Տաճարում Ս. Պատարագ մատուցվեց և հոգեհանգիստ կատարվեց ազգի ու հավատի համար նահատակվածների հիշատակին:

Պատարագին ներկա էր վեհափառ Հայրապետը:

Ս. Վարդանանց տոնի օրը էջմիածնի Հոգեվոր ճեմարանում տեղի ունեցավ գրական-գեղարվեստական երեկույթ: Օրվա նյութի շուրջը բանախոսեց ճեմարանի դասատու Ա. Դիլոյանը: Արտասանություններով հանդես եկան ուսանողները: Հաջող ելույթ տվեցավ Իրանից ներգաղթած պատանի ջութակահար Առաքելյանը: Հանդեսի վերջում Տ. Նիկողոսյան քհն. Բավեյանի ղեկավարությամբ երգեցիկ խումբը կատարեց Հայկական հիմներ:

Երեկույթին ներկա էին Հոգևոր ճեմարանի դասատուական կազմը, վանքի միաբանությունը և հյուրեր:

Շիկագոյի Հայաստանյայց Ս. Գրիգոր Լուսավորիչ Քերեղեցվոց Հոգևոր հովիվ Վահրամ ծ. վրդ. Նազարեթյանը և հոգաբարձության ատենապետ Խ. Ճերանյանը, ատենադպիր Վ. Միքայելյանը ու գանձապահ Մ. Մանվելյանը Սամանորի և Ս. Ծննդյան տոնի առթիվ վեհափառ Հայրապետի անունով իրենց հղած շնորհավորական գրությամբ միաժամանակ հայտնում են, որ եկեղեցին ներգաղթի սուրբ ու վսեմ գործին տրամադրել է հինգ հարյուր տալեր:

Ամենայն Հայոց Կաթողիկոս Տ. Տ. Գևորգ Զ. Հայրապետական կոնդակով, տրված 1946 թ. 7 դեկտեմբերի, իր գոհունակություն է հայտնել «Ս. էջմիածնի Հիմնադրամի Լոնդոնի Կեդրոնական Հանձնաժողով»-ին և շնորհել, երկար տարիների բարեխիղճ աշխատանքի:

տանքի համար, նույն Հանձնաժողովի նախագահ Տ. Կարապետ Տիլպերին Ս. Լուսավորչի Ա կարգի ադամանդազարդ շքանշան:



Ամենայն Հայոց Կաթողիկոս Տ. Տ. Գևորգ Զ Հայրապետական կոնդակով, տրված 1946 թ. 7 դեկտեմբերի, իր գոհունակությամբ է

հայտնել «Ս. Էջմիածնի Հիմնադրամի Լոնդոնի Կեդրոնական Հանձնաժողովի Գործադիր Մարմին»-ին և շնորհել Գործադիր Մարմնի նախագահ Տ. Հ. Մելքումին Ս. Լուսավորչի Ա կարգի ադամանդազարդ շքանշան, ի տրիտուր նրա երկար տարիների բարեխիղճ գործունեության:

Պ-ՐՆ Բ. ԲԱԲԱԼՅԱՆԻ ԱՅՑԵԼՈՒԹՅՈՒՆԸ ՄԱՅՐ ԱԹՈՒ

Սիրիայի հայ հասարակական գործիչ պ-րն Բ. Բաբալյանը, հայրենիք՝ Սուվետական Հայաստան ժամանելով, երկիցս այցելեց Մայր Աթոռ ու երկիցս էլ արժանացավ Ամենայն Հայոց Հայրապետի սիրալիր ընդունելությանը:

Վեհափառը, բարձր գնահատելով պ-րն Բ. Բաբալյանի հասարակական ազդեցիկ գործունեությունը՝ հատկապես ներգաղթի մարդում, Հայրապետական կոնդակով շնորհեց նրան Ս. Լուսավորչի Ա կարգի ադամանդազարդ շքանշան:

Պ-րն Բ. Բաբալյանի անվամբ տրված կոնդակում Ամենայն Հայոց Հայրապետը հետևյալ տողերն է արձանագրում ներգաղթի մասին. —

«Ներգաղթը ներկա Հայ կյանքի խոշորագույն երևույթներից գլխավորն է. նա մեր անցյալ թշուառ կյանքի անսկի թեթևամբ է դեպի բախտավոր կյանքը. նա ազգահավաքման սկիզբն է դնում հայրենի շրջանում, որը պիտի նպաստե Հայ ժողովրդի աճման, զորացման և նրա կուլտուրական վերելքին, նաև պիտի ծառայե նորա արդար դատի ի-



Բ. Բաբալյան

րացման: Յուրաքանչյուր հայ ազգասեր և հայրենասեր մարդու բնական ու բարոյական պարտքն է նպաստել այդ ազգաշեն շարժմանը:

